

ნარჩენების მართვის ტექნოლოგია რეგიონებში, ფაზა II (WMTR II), CENN

განაცხადების მოთხოვნის ფორმა RFA #18-001

გამოცხადების თარიღი: **04.06.2018**

WMTR II პროგრამა, რომელსაც USAID-ის დაფინანსებით ახორციელებს CENN, აცხადებს ქვეგრანტის განაცხადების მიღებას მყარი ნარჩენების (პლასტმასა, ქაღალდი, შუშა, ალუმინის ქილა და სხვ.) სეპარირებული შეგროვების ან/და გადამუშავების საქმიანობაზე. ქვეგრანტები გაიცემა და შესაბამისი პროექტები განხორციელდება აშშ-ის საერთაშორისო განვითარების სააგენტოს (USAID), აშშ-ის მთავრობისა და CENN /WMTR II-ის რეგულაციებისა და გრანტების მართვის პოლიტიკისა და შიდა პროცედურების შესაბამისად.

აღნიშნული განაცხადების მიღების ფარგლებში WMTR II პროგრამა ჩაატარებს პირველად საინფორმაციო შეხვედრას **11 ივნისს, 10 საათზე**, ხოლო შემდგომი საკონსულტაციო შეხვედრა შედგება **29 ივნისს, 10 საათზე** შემდეგ მისამართზე ქ. თბილისი, ბეთლემის ქ. **N27. 4 ივნისიდან 3 ივლისის** ჩათვლით ასევე შესაძლებელი იქნება კონსულტაციების მიღება ელფოსტით, და ინდივიდუალური შეხვედრების საშუალებით. საკონსულტაციო შეხვედრაზე დაინტერესებულ პირებს მიეცემა შესაძლებლობა, დასვან კითხვები და მიიღონ მითითებები, თუ როგორ შეავსონ განაცხადის ფორმა. დაინტერესებულმა პირებმა, რომლებსაც შეეცია **IIIA** თანახმად უფლება აქვთ, მიიღონ მონაწილეობა საგრანტო კონკურსში და სურთ, დაესწრონ საკონსულტაციო შეხვედრას, უნდა დაადასტურონ მონაწილეობა სულ მცირე 2 დღით ადრე და გამოაგზავნონ მონაწილის სახელი, გვარი და ორგანიზაციის დასახელება შემდეგ ელექტრონულ მისამართზე shorena.ebanoidze@cenn.org. ერთი ორგანიზაციიდან სამუშაო შეხვედრას შეიძლება, რომ დაესწროს ორგანიზაციის მაქსიმუმ ორი წარმომადგენელი (მონაწილეობის დადასტურებისას მიუთითეთ, ხომ არ აქვს დამსწრე პირს განსაკუთრებული საჭიროებები, რათა პროგრამამ გაითვალისწინოს ეს საკითხი და ხელი შეუწყოს აღნიშნული პირის საკონსულტაციო შეხვედრაში მონაწილეობას). საკონსულტაციო შეხვედრაში მონაწილეობასთან დაკავშირებული ხარჯები არ ანაზღაურდება.

WMTR II პროგრამისა და CENN-ის თანამშრომლებს ეკრძალებათ მოითხოვონ, ხოლო აპლიკანტებს ეკრძალებათ მათ შესთავაზონ ფულადი და არაფულადი საჩუქარი, ღირებული ნივთი ან კომპენსაცია, რათა მოიპოვონ ან გასცენ არასათანადო კეთილგანწყობილი დამოკიდებულება საგრანტო განაცხადთან დაკავშირებით. პროგრამის თანამშრომლისგან ასეთი არასათანადო მოთხოვნის ნებისმიერი შემთხვევის შესახებ ინფორმაცია უნდა მიეწოდოს პროექტის ხელმძღვანელს, ქ-ნ ნინო შავგულიძეს, ელ. ფოსტის მისამართზე: nino.shavgulidze@cenn.org.

განაცხადების მოთხოვნის ფორმასთან ერთად, აღნიშნულ განაცხადს თან ახლავს შემდეგი დანართები:

დანართი A – ქვეგრანტის განაცხადის ფორმა

დანართი B – ქვეგრანტის განაცხადის ბიუჯეტის ფორმა და დანართი B3. ქვეგრანტის დეტალური ბიუჯეტის ფორმა (Excel)

აპლიკანტი ვალდებული იქნება, ხელი მოაწეროს ქვემოთ წარმოდგენილ სერტიფიკატებს უშუალოდ ქვეგრანტის მიღების წინ ქვეგრანტის დამტკიცების შემთხვევაში.

- „ორგანიზაციის მიერ ვადაგადაცილებული გადასახადით გამოწვეულ პასუხისმგებლობასთან ან ნასამართლეობასთან დაკავშირებით ორგანიზაციის წარმომადგენლობის“ სერტიფიკატი (AAPD 14-03, 2014 წლის აგვისტო)”
- ფედერალური დახმარების გაწევის აკრძალვა ისეთი ორგანიზაციებისთვის, რომლებზეც ვრცელდება გარკვეული საიდუმლო ინფორმაციის გაუხმაურებლობის შესახებ შეთანხმებები (2015 წლის აპრილის ვერსია)

სექცია I. ქვეგრანტის აღწერილობა

IA. მიზანი: ნარჩენების გადამამუშავების სექტორის განვითარების ხელშეწყობა, მყარი ნარჩენების (პლასტმასა, ქაღალდი, შუშა, ალუმინის ქილა და სხვ.) სეპარირებულად შემგროვებელი ან/და გადამამუშავებელი კომპანიების გაძლიერების გზით.

WMTR II პროგრამა ქვეგრანტს გასცემს კერძო კომპანიებზე, რომლებიც ახორციელებენ/განახორციელებენ მყარი ნარჩენების - პლასტმასის (მათ შორის, პეტ პლასტმასის ბოთლების), ქაღალდის, მუყაოს, შუშის, ალუმინის ქილებისა და სხვა სეპარირებული ნარჩენების შეგროვებას ან/და გადამამუშავებას¹.

ქვეგრანტის ფარგლებში მოხდება თანამედროვე და ენერგოეფექტიანი დანადგარების შეძენა, რომელიც გაზრდის საწარმოს ფუნქციონირების ეფექტიანობას. ამავდროულად, მოხდება საწარმოს პერსონალის უნარ-ჩვევების გაძლიერება ახალი დანადგარების მომსახურებისა და ოპტიმალური ოპერირების კუთხით. აღნიშნული დანადგარი პროექტის დასრულების ბოლომდე წარმოადგენს WMTR II პროგრამის საკუთრებას და მხოლოდ პროექტის დასრულებისთვის გადაეცემა კომპანიას მფლობელობაში.

IB. ინფორმაცია WMTR II პროგრამის შესახებ

პროგრამას ნარჩენების მართვის ტექნოლოგია რეგიონებში, ფაზა II (WMTR II) ახორციელებს CENN, აშშ-ს საერთაშორისო განვითარების სააგენტოს (USAID) ფინანსური მხარდაჭერით.

WMTR II პროგრამა საქართველოს მთავრობას ეხმარება ქვეყნის ნარჩენების მართვის სექტორის მოდერნიზებაში და მხარს უჭერს მდგრად და ინკლუზიურ ეკონომიკურ განვითარებას. პროგრამა ხელს უწყობს ბუნებრივი რესურსების პასუხისმგებლიან მართვას, რაც მინიმუმამდე დაიყვანს ადამიანის ჯანმრთელობასა და ბუნებრივ რესურსებზე ნარჩენების მიერ მიყენებულ ზიანს.

პროგრამის ძირითადი მიმართულებებია:

- ნარჩენების მართვის ინტეგრირებული სისტემის განხორციელება;
- ნარჩენების გადამამუშავებელი კერძო სექტორის განვითარების ხელშეწყობა;

¹ უპირატესობა მიენიჭება პლასტმასის, ქაღალდის, ალუმინის და შუშის ნარჩენების სეპარირებული შემგროვების ან/და გადამამუშავების საქმიანობაზე შემოტანილ განაცხადებს.

- ნარჩენების უკანონო განთავსების ჯარიმების სისტემისა და სატარიფო პოლიტიკის განხორციელების გაუმჯობესება;
- საზოგადოების ცნობიერების ამაღლება.

IC. ქვეგრანტის დეტალური აღწერილობა

საქართველოს კანონის - ნარჩენების მართვის კოდექსის თანახმად, 2019 წლის თებერვლიდან მუნიციპალიტეტებმა უნდა უზრუნველყონ მუნიციპალური ნარჩენების სეპარირებული შეგროვების სისტემების ეტაპობრივი დანერგვა და გამართული ფუნქციონირება. შესაბამისი მოთხოვნები წარმოდგენილია ნარჩენების მართვის ეროვნულ სტრატეგიასა და სამოქმედო გეგმაშიც. ნარჩენების სეპარირებული შეგროვების სისტემის დანერგვის აუცილებელი პირობაა ქვეყანაში ნარჩენების ძლიერი გადამამუშავებელი სექტორის არსებობა.

WMTR II პროგრამა ხელს უწყობს ნარჩენების გადამამუშავებელი სექტორის განვითარებას, კერძო (ნარჩენების სეპარირებულად შემგროვებელი და გადამამუშავებელი) კომპანიებისთვის დახმარების გაწევის და მათი გაძლიერების გზით. ამისათვის, წინამდებარე ქვეგრანტის განაცხადის ფარგლებში აღნიშნულ კომპანიებს საშუალება ეძლევათ, მათი საჭიროებებიდან გამომდინარე, წარმოადგინონ საპროექტო წინადადებები თანამედროვე/ენერგოეფექტიანი აღჭურვილობის შესაძენად. ეს აღჭურვილობა კომპანიებს უნდა დაეხმაროს სამუშაო ციკლის გაუმჯობესებაში, კერძოდ, სეპარირებულად შეგროვებული/გადამამუშავებული ნარჩენების რაოდენობის გაზრდასა და მიღებული პროდუქციის ხარისხის გაუმჯობესებაში. აპლიკანტმა უნდა წარმოადგინოს აღჭურვილობის ჩამონათვალი, ახსნას მისი მუშაობის პრინციპი და საჭიროება კომპანიისათვის.

მნიშვნელოვანია, რომ საპროექტო განაცხადი იძლეოდეს ნათელ სურათს, თუ რატომ სჭირდება კომპანიას აღნიშნული აღჭურვილობა, რისი გამოუჯოგბესების საშუალებას მისცემს აღჭურვილობა კომპანიას (მაგ.: შეაგროვებს მეტ სეპარირებულ ნარჩენს, მეტს გადამამუშავებს, უკეთესი ხარისხის პროდუქციას აწარმოებს) ან/და რამდენად გაზრდის კომპანიის წარმადობას. მოსალოდნელი შედეგები გამოსახული უნდა იყოს რიცხვებში, ასევე წარმოდგენილი უნდა იყოს ამ შედეგების მიღწევის კონკრეტული გზები (მაგ.: სად და როგორ მოხდება მეტი რაოდენობის სეპარირებული ნარჩენის შეგროვება/გაყიდვა, გადამამუშავება და გადამამუშავებული პროდუქციის გაყიდვა და ა.შ).

ამავდროულად, აღნიშნული ქვეგრანტის ფარგლებში, კომპანიებს საშუალება ექნებათ, გაიუმჯობესონ ახალი აღჭურვილობის ოპერირების უნარ-ჩვევები, შესაბამისი ტრენინგის საშუალებით. გთხოვთ, გაითვალისწინოთ, რომ აღნიშნული აღჭურვილობის შეძენას, ასევე ტრენინგის ჩატარების ორგანიზებას განახორციელებს WMTR II პროგრამა.

სავალდებულო პირობაა, რომ აპლიკანტი კომპანიები დარეგისტრირებულები იყვნენ/ოპერირებდნენ WMTR II პროგრამის სამიზნე რეგიონებში - აჭარა, შიდა ქართლი, კახეთი და ქალაქი თბილისი. კომპანიებს, რომლებიც დარეგისტრირებულები არიან და ოპერირებენ სხვა რეგიონებში, საშუალება ექნებათ, წარადგინონ საგრანტო განაცხადი იმ პირობით, რომ ისინი განახორციელებენ ნარჩენების სეპარირებულ შეგროვებას, შესყიდვას, გადამამუშავებას (ამ აქტივობებიდან ერთ-ერთს ან რამდენიმეს) პროგრამის სამიზნე რეგიონებში. ამ შემთხვევაში, აპლიკანტმა, განაცხადში უნდა წარადგინოს ამის ნათელი დადასტურება.

აპლიკანტის საპროექტო წინადადება, კომპანიის პროფილიდან გამომდინარე, ორიენტირებული უნდა იყოს შემდეგი შედეგების მიღებაზე:

- სეპარირებულად შეგროვებული ნარჩენების რაოდენობის და გაყიდვების ზრდა;
- გადასამუშავებლად მიღებული და გადამამუშავებული ნარჩენების რაოდენობის ზრდა;
- ნარჩენების გადამამუშავების შედეგად წარმოებული პროდუქციის გაყიდვების ზრდა.

ID. უფლებამოსილება/მაკონტროლებელი რეგულაციები

WMTR II პროგრამის ქვეგრანტები გაიცემა აშშ-ის საერთაშორისო განვითარების სააგენტოს (USAID) უფლებამოსილებით და უნდა შეესაბამებოდეს USAID-ის სტანდარტულ დებულებებში და ასევე, WMTR II პროგრამის ქვეგრანტების სახელმძღვანელოში წარმოდგენილ წესებს. ამას გარდა, აპლიკანტებმა უნდა დაიცვან ხარჯების პრინციპები, რომლებიც მითითებულია შემდეგ დოკუმენტებში:

- 2 CFR 200 [Uniform Administrative Requirements, Cost Principles, and Audit Requirements for Federal Awards, Subpart E](#)
- 2 CFR 200-ის სრული ტექსტი იხილეთ: http://www.ecfr.gov/cgi-bin/text-idx?tpl=/ecfrbrowse/Title02/2cfr200_main_02.tpl და 2 CFR 700: <http://www.ecfr.gov/cgi-bin/text-idx?SID=531ffcc47b660d86ca8bbc5a64eed128&mc=true&node=pt2.1.700&rgn=div5>.

WMTR II პროგრამამ უნდა უზრუნველყოს, რომ USAID-ის ქვეგრანტის მიმღები ყველა ორგანიზაცია შეესაბამებოდეს ზემოაღნიშნულ რეგულაციებში მოცემულ მითითებებსა და ქვეგრანტის შესაბამის წესებსა და პირობებს.

WMTR II პროგრამის ქვეგრანტის ფარგლებში, USAID იტოვებს უფლებას, ნებისმიერ დროს მთლიანად ან ნაწილობრივ შეწყვიტოს ქვეგრანტის განხორციელების უფლებამოსილება.

სექცია II. ინფორმაცია ქვეგრანტის გაცემის შესახებ

WMTR II პროგრამის მიერ გაცემული ერთი ქვეგრანტის მაქსიმალური თანხა **შეადგენს 150 000 აშშ დოლარის ეკვივალენტს ლარში.**

ქვეგრანტი იქნება არაფულადი ტიპის, რომლის ფარგლებშიც WMTR II თვითონ უზრუნველყოფს აპლიკანტისთვის განაცხადში მოთხოვნილი დანადგარების შეძენას და ტრანსპორტირებას საქართველოში. ქვეგრანტი ასევე მოიცავს შესაბამისი პერსონალის უნარ-ჩვევების გაძლიერებას დანადგარების ოპერირების კუთხით.

საბოლოო თანხა დამოკიდებული იქნება ქვეგრანტით გათვალისწინებულ აქტივობებზე და საბოლოო მოლაპარაკებებზე და შეიძლება იყოს ზემოაღნიშნულ ზღვრულ თანხაზე დაბალი. მოსალოდნელია, რომ ქვეგრანტის ხანგრძლივობა მოცემული შეთავაზების

ფარგლებში არ აღემატებოდას **1 წელს**. მოცემული შეთავაზების ფარგლებში ქვეგრანტის დაწყების მოსალოდნელი დაწყების თარიღი არის **2018 წლის 1 ოქტომბერი**.

სექცია III. შესაბამისობა

III A. ვის შეუძლია ქვე-გრანტის მიღება. აპლიკანტი უნდა იყოს კერძო კომპანია დარეგისტრირებული საქართველოს კანონმდებლობით აღიარებული მარეგისტრირებული ორგანიზაციის მიერ.

- უპირატესობა მიენიჭება ნარჩენების შეგროვების ან/და გადამუშავების სფეროში გამოცდილების მქონე კომპანიას.
- აპლიკანტი უნდა ფლობდეს (საკუთრებაში, ან ჰქონდეს აღებული გრძელვადიანი იჯარით) გრანტის ფარგლებში დაგეგმილი ტექნოლოგიური პროცესის გასამართად საჭირო ტერიტორიასა და შენობა-ნაგებობას.
- კონკურსში გამარჯვებულმა კომპანიებმა უნდა უზრუნველყონ საქართველოს სხვადასხვა რეგიონში, მათ შორის, WMTR II პროგრამის სამიზნე რეგიონებში (შიდა ქართლი, აჭარის ა/რ, კახეთი, და ქ. თბილისში მყარი ნარჩენების (პლასტმასა, ქაღალდი, მუყაო, შუშა, ალუმინის ქილა და სხვ.) შეგროვება ან/და გადამუშავება.
- აპლიკანტებს შეუძლიათ წარადგინონ მხოლოდ ერთი განაცხადი.
- აპლიკანტებმა უნდა წარმოადგინონ წარსულში წარმატებით განხორციელებული სამუშაო(ები), რომელიც დაკავშირებულია WMTR II პროგრამის საქმიანობის პრიორიტეტულ სფეროებთან.
- აპლიკანტებმა უნდა აღწერონ, თუ როგორ განახორციელებენ საქმიანობის პოპულარიზაციას სამიზნე ჯგუფებში/პარტნიორებთან.
- განაცხადში აპლიკანტებმა უნდა აჩვენონ გამართული ფინანსური, ადმინისტრაციული და ტექნიკური სისტემის არსებობა შესაბამისი პროცედურების სახით, ასევე შიდა კონტროლის სისტემა, რომელიც იცავს აქტივებს თაღლითობისგან, გაფლანგვისგან და ბოროტად გამოყენებისგან და ხელს უწყობს ქვეგრანტის მიზნებისა და ამოცანების მიღწევას. **WMTR II პროგრამა ქვეგრანტის მინიჭებამდე ჩაატარებს კომპანიის შესაბამისობის შეფასებას.**
- აპლიკანტებმა განაცხადში უნდა გაითვალისწინონ ქვეგრანტის ბიუჯეტის / ღირებულების **მინიმუმ 20% თანამონაწილეობა**. თანამონაწილეობა ნიშნავს პროექტთან დაკავშირებული ხარჯების წილს, რომელიც არაა გაღებული ამერიკის მთავრობისგან და, შესაბამისად, ფინანსდება აპლიკანტის მიერ. აპლიკანტმა უნდა მიუთითოს ბიუჯეტში და ბიუჯეტის თხრობით ნაწილში (budget narrative) ქვეგრანტის განხორციელების პერიოდში თანამონაწილეობაში დასახარჯი რესურსების რაოდენობა, ასეთი რესურსების წყაროები და მათი გამოთვლის მეთოდი.
- აპლიკანტი ვალდებული იქნება, ხელი მოაწეროს ქვემოთ წარმოდგენილ სერტიფიკატებს უშუალოდ ქვეგრანტის მიღებამდე, ქვეგრანტის დამტკიცების შემთხვევაში:
 - „*ორგანიზაციის მიერ ვადაგადაცდილებული გადასახადით გამოწვეულ პასუხისმგებლობასთან ან ნასამართლეობასთან დაკავშირებით ორგანიზაციის წარმომადგენლობის“ სერტიფიკატი (AAPD 14-03, 2014 წლის აგვისტო)*”

- *ფედერალური დახმარების გაწევის აკრძალვა ისეთი ორგანიზაციებისთვის, რომლებზეც ვრცელდება გარკვეული საიდუმლო ინფორმაციის გაუხმაურებლობის შესახებ შეთანხმებები (2015 წლის აპრილის ვერსია)*
- წინამდებარე შეთავაზების ფარგლებში გაცემული ნებისმიერი ქვეგრანტ(ებ)ის შემთხვევაში, რომელიც არ არის არაფულადი გრანტი და რომლის ღირებულებაც შეადგენს, სულ მცირე, 25,000 აშშ დოლარის ეკვივალენტს ეროვნულ ვალუტაში, ქვეგრანტის მაძიებლებმა გრანტის მინიჭების მომენტში უნდა წარმოადგინონ „მონაცემთა უნივერსალური დანომრვის სისტემაში“ (DUNS) მინიჭებული ნომერი. თუ აპლიკანტს უკვე აქვს DUNS ნომერი, ის უნდა დაურთოს განაცხადს. სხვა შემთხვევაში, აპლიკანტებმა ქვეგრანტის მიღებამდე უნდა მიიღონ DUNS ნომერი. ამ პროცესში WMTR II დაეხმარება წარმატებულ აპლიკანტებს. DUNS ნომრების მიღება შესაძლებელია ონლაინ რეჟიმში ვებგვერდზე: <http://fedgov.dnb.com/webform/pages/CCRSearch.jsp>
- WMTR II პროგრამა დაეხმარება წარმატებულ ქვეგრანტის მაძიებელს მარკირებისა და ბრენდირების გეგმის შემუშავებაში, რომელიც დაერთვება ქვეგრანტის ხელშეკრულებას.

სექცია IV – ინფორმაცია განაცხადის წარდგენის შესახებ

IVA. ინსტრუქციები აპლიკანტებს

აპლიკანტებმა უნდა წარმოადგინონ ზემოთ აღწერილი ქვეგრანტის განხორციელების სტრატეგია, ასევე, ინფორმაცია იმის შესახებ, თუ რა ინოვაციებს დაწერავენ ქვეგრანტის ფარგლებში.

IVA1. ქვეგრანტის განაცხადი

აპლიკაციის შემუშავებისას გამოსაყენებელი შაბლონები მოცემულია დანართში A-B. აპლიკანტებმა მოცემული ფორმატით უნდა წარმოადგინონ თავიანთი ტექნიკური განაცხადი, ასევე ბიუჯეტი და უნდა მიჰყვნენ აღნიშნულ დანართებში მოცემულ ინსტრუქციებსა და მითითებებს.

ქვეგრანტის აქტივობის ყველა ხარჯი უნდა იყოს აპლიკანტის ჩვეული სამოქმედო პრაქტიკის ნაწილი და უნდა შეესაბამებოდეს ორგანიზაციის გაწერილ პოლიტიკასა და პროცედურებს (ასეთის არსებობის შემთხვევაში).

განაცხადს ხელს უნდა აწერდეს აპლიკანტის უფლებამოსილი წარმომადგენელი.

IVA2. დაუშვებელი ხარჯები

არ შეიძლება WMTR II პროგრამის ქვეგრანტის სახსრების შემდეგი მიზნებისთვის გამოყენება:

- ნებისმიერი სახის მშენებლობასთან ან ინფრასტრუქტურასთან დაკავშირებული აქტივობები;
- ცერემონიებთან, წვეულებებთან, აღნიშვნებთან დაკავშირებული ხარჯები;
- წარმომადგენლობითი ხარჯები;

- აკრძალული საქონელი (მათ შორის USAID-ის რეგულაციებით აკრძალული საქონელი), რომელიც მოიცავს მაგრამ არ შემოიფარგლება: აბორტის ჩასატარებლად გამოსაყენებელი აღჭურვილობით და მომსახურებით, ფუფუნების საგნებით და ა.შ.;
- ალკოჰოლური სასმელები;
- ისეთი შესყიდვა ან აქტივობა, რომელსაც უკვე ჰქონდა ადგილი;
- ისეთი შესყიდვები ან აქტივობები, რომელთა განხორციელებასაც WMTR II პროგრამა ქვეგრანტის მიზნებისთვის აუცილებლად ვერ ჩათვლის;
- ქვეგრანტის მამიებელზე წარსულში დაკისრებული ვალები, ჯარიმები, საურავები და/ან მათთან დაკავშირებული ვალდებულებები.
- ფულადი შეწირულობის გაკეთება;
- იმ საქონლის ან მომსახურების შეძენა, რომელთა მომწოდებელი/მწარმოებელი ქვეყანა მოქცეულია USAID-ის აკრძალული ქვეყნების ჩამონათვალში; <https://www.usaid.gov/sites/default/files/documents/1876/310.pdf>
- შეზღუდულია WMTR II პროგრამის წინასწარი თანხმობის გარეშე, ისეთი საქონლის შესყიდვა, როგორიცაა: სასოფლო-სამეურნეო საქონელი, ძრავიანი სატრანსპორტო საშუალებები (მოტოციკლების ჩათვლით), ფარმაცევტული ნაწარმი, სამედიცინო აპარატურა, კონტრაცეპტული საშუალებები, მეორადი აპარატურა, პესტიციდები და სასუქები (იხილეთ ADS Chapter 312 Eligibility of Commodities).

IVB. ინფორმაცია განაცხადის წარდგენის შესახებ

საგრანტო განაცხადის ჩაბარება უნდა მოხდეს ქართულ ენაზე და არ უნდა აღემატებოდეს **14 გვერდს**.

აპლიკაციის (ტექნიკური შემოთავაზება, ბიუჯეტი და დამხმარე დოკუმენტაცია) ჩაბარება შესაძლებელია ელექტრონული ან ბეჭდვითი ფორმით ქვემოთ მითითებულ მისამართზე და მასში მოხსენიებული უნდა იყოს ქვეგრანტის განაცხადის ნომერი **RFA #18-001**.

განაცხადების ჩაბარება უნდა მოხდეს არაუგვიანეს **13 ივლისის 18:00 სთ.** დაგვიანებული ან შეუსაბამო განაცხადები არ განიხილება.

პროგრამის დასახელება: *ნარჩენების მართვის ტექნოლოგია რეგიონებში, ფაზა II (WMTR II)*

მისამართი: *საქართველო,
ქ. თბილისი, 0105
ბეთლემის ქუჩა #27*

ელექტრონული ფოსტა: shorena.ebanoidze@cenn.org

განაცხადის ფორმებისა და ბიუჯეტის გარდა, აპლიკანტებმა WMTR II პროგრამას უნდა წარუდგინონ შემდეგი დოკუმენტები:

- განხორციელების გეგმა;
- განახლებული ამონაწერი მეწარმეთა და არასამეწარმეო (არაკომერციულ) იურიდიულ პირთა რეესტრიდან;
- აუდიტორის მიერ შემოწმებული აპლიკანტის უკანასკნელი ფინანსური ანგარიშგების ასლი (ასეთის ქონის შემთხვევაში).

წინამდებარე შეთავაზებასთან დაკავშირებული ყველა კითხვა გაუგზავნეთ შორენა ებანოიდეს, WMTR II პროგრამის გრანტებისა და ფინანსების მენეჯერს, ელექტრონულ ფოსტის მისამართზე shorena.ebanoidze@cenn.org.

WMTR II პროგრამა აპლიკანტებს დაეხმარება განაცხადის წარდგენის პროცედურების გაგებაში და აპლიკანტების მოთხოვნით, კონსულტაციას გაუწევს განაცხადის შემუშავების პროცესში.

სექცია V. აპლიკაციის შეფასების კრიტერიუმები

განაცხადი შეფასდება შემდეგი კრიტერიუმების მიხედვით:

შესაფასებელი კატეგორია	რეიტინგი (ქულები)
ქვეგრანტის მიზანშეწონილობა და ტექნიკური მიდგომა	30
გავლენა სამიზნე ჯგუფებზე და ბენეფიციარებზე	15
მენეჯმენტის და პროგრამული შესაძლებლობები	15
მდგრადობა/ ფინანსური დამოუკიდებლობა	15
ბიუჯეტის ეფექტიანობა (იგულისხმება WMTR II პროგრამიდან მოთხზილი თანხა და თანამონაწილეობა)	10
წარსული გამოცდილება	10
გენდერული ბალანსი	5
ჯამური რეიტინგი (მაქსიმუმი - 100 ქულა)	100

ქვემოთ დეტალურადაა აღწერილი შეფასების კრიტერიუმების ელემენტები.

- A. **ქვეგრანტის მიზანშეწონილება და ტექნიკური მიდგომა.** განაცხადის ხარისხი და განხორციელებადობა შემოთავაზებული ტექნიკური მიდგომის სიცოცხლისუნარიანობის თვალსაზრისით (ანუ არსებობს იმის ვარაუდის გონივრული საფუძველი, რომ შემოთავაზებულმა ტექნიკურმა მიდგომამ შეიძლება მოსალოდნელი შედეგები მოიტანოს), შემოთავაზებული მეთოდოლოგიის შესაბამისობა, ინოვაციურობა და პროგრამის მიზნების მიღწევის სამუშაო გეგმა, რომელიც ხელს შეუწყობს კომპანიის გაძლიერებას და, შესაბამისად, წვლილს შეიტანს ნარჩენების მართვის სექტორის განვითარებაში. ტექნიკურ მიდგომას უშუალო წვლილი უნდა შეჰქონდეს WMTR II პროგრამის მოსალოდნელი შედეგების მიღწევაში და სამუშაოს შესრულებაში და უნდა იყოს გაზომვადი. სხვადასხვა მიდგომების შეფასებისას ყურადღება მიექცევა იმას, თუ რამდენად ეფექტიანი აღმოჩნდა ეს მიდგომა წარსულში, ან თუ ახალ მიდგომასთან გვაქვს საქმე, რამდენად იმედის მომცემია აღნიშნული მიდგომა. ასევე შეფასდება ქვეგრანტის განხორციელების მონიტორინგისა და შეფასების მექანიზმები ობიექტურად გაზომვადი ინდიკატორებით. **30 ქულა**
- B. **გავლენა სამიზნე ჯგუფებზე და ბენეფიციარებზე.** შეფასდება, თუ რამდენად შეესაბამება შემოთავაზებული აქტივობა სამიზნე ჯგუფ(ებ)ის და ბენეფიციარების (ბიზნეს პარტნიორები/კლიენტები, ადგილობრივი თემი, დასაქმებული მუშა-ხელი და ა.შ) საჭიროებებს და რამდენად სასარგებლო იქნება უშუალოდ მათთვის. გარდა ამისა, ის, თუ რამდენად მოახდენს იგი სხვა ორგანიზაციებისა და რესურსების პირდაპირ ან არაპირდაპირ სტიმულირებას WMTR II პროგრამის მხარდამჭერი აქტივობების რეპლიკაციის, შემუშავებისა და განხორციელების კუთხით. **15 ქულა**

- C. **მენეჯერული და პროგრამული შესაძლებლობები.** იმის დამამტკიცებელი ფაქტები, რომ გრანტის მადიებელი შეძლებს განხორციელოს შემოთავაზებული აქტივობები და ხელი შეუწყოს ნარჩენების გადამამუშავებელი სექტორის გაძლიერებას. განაცხადი უნდა ასახავდეს აპლიკანტი კომპანიის ეფექტიანობის შიდა სტრუქტურის, ტექნიკური შესაძლებლობების და წამყვანი პერსონალის მხრივ, ეკონომიკური განვითარების მიზნების მიღწევისათვის. ამასთან, კომპანია უნდა ახდენდეს ფინანსური მართვის საკმარისი უნარის დემონსტრირებას. შეფასება ძირითადად დაეყრდნობა წამყვანი პერსონალის გამოცდილებას, კვალიფიკაციას, რეპუტაციას, შესაბამისობას, უნარებს და მიღწევებს (მათ შორის, მდგრად აქტივობებს). **15 ქულა**
- D. **მდგრადობა/ფინანსური დამოუკიდებლობა.** ის, თუ რამდენად არის აქტივობა მდგრადი, ან ხელს თუ შეუწყობს კომპანიის მდგრადობის გაზრდას. **15 ქულა**
- E. **ბიუჯეტის ეფექტიანობა (იგულისხმება WMTR II პროგრამიდან მოთხვნილი თანხა და თანამონაწილეობა).** ის, თუ რამდენად ზუსტი და გონივრულია ბიუჯეტი და რამდენად ასახავს კომპანიისა და ქვეგრანტის რესურსების ოპტიმალურ მოხმარებას. თანამონაწილეობა სავალდებულოა და შეფასდება შესაბამისი ქულით. **10 ქულა**
- F. **წარსული გამოცდილება.** წარსული ან მიმდინარე გამოცდილება მსგავსი აქტივობების განხორციელებაში. ამით ფასდება აპლიკანტის მიერ განხორციელებული პროექტები და გამოცდილება, რომელიც კომპანიის მიერ აქტივობის განხორციელების უნარის შეფასებაში გადამწყვეტ როლს ასრულებს. **10 ქულა**
- G. **გენდერული ბალანსი.** ის, თუ რამდენად არის დაცული გენდერული ბალანსი ქვეგრანტის განხორციელებისას, ან რას გეგმავს კომპანია ქალების ჩართულობის კუთხით. **5 ქულა**

გარდა ამისა, WMTR II პროგრამა უზრუნველყოფს ქვეგრანტის შესაბამისობას USAID-ის გარემოსდაცვით მოთხოვნებთან, როგორც ამას განსაზღვრავს 22 CFR 216.

სექცია VI. ინფორმაცია გრანტის გაცემისა და ადმინისტრირების შესახებ

ყველა ქვეგრანტი შეთანხმდება და დაფინანსდება ადგილობრივ ვალუტაში - ლარში.

ქვეგრანტის მიერ დაფინანსებული ყველა ხარჯი უნდა იყოს ნებადართული, საქმიანობასთან დაკავშირებული და დასაბუთებული. ქვეგრანტის განაცხადს თან უნდა ერთვოდეს დეტალური და რეალისტური ბიუჯეტი, როგორც ეს აღწერილია მე-IV სექციაში.

წინამდებარე განაცხადის მოთხოვნის ფორმის გამოქვეყნება და განაცხადის შემუშავებაში დახმარების გაწევა არ წარმოადგენს WMTR II პროგრამის მხრიდან გრანტის მიღებას ან რაიმე დაპირებას, ან ვალდებულებას დაფაროს განაცხადის მომზადებასა და ჩაბარებისას გაწეული ხარჯები. გარდა ამისა, WMTR II პროგრამა იტოვებს უფლებას, მოიწონოს ან უარი თქვას ნებისმიერ შემოტანილ განაცხადზე. ასევე, იტოვებს უფლებას, მოითხოვოს განაცხადის შემომტანებისგან შემდგომი განმარტებები და დამატებითი დოკუმენტები. შერჩევის პროცესის დასრულების შემდეგ აპლიკანტებს წერილობით აცნობებენ მათ მიერ შემოტანილ განაცხადთან დაკავშირებულ გადაწყვეტილებას.

დანართების ჩამონათვალი:

დანართი A – ქვე-გრანტის განაცხადის ფორმა

დანართი B – ქვე-გრანტის განაცხადის ბიუჯეტის ფორმა და დანართი B3. ქვე-გრანტის დეტალური ბიუჯეტის ფორმა (Excel)